

**Wáraga bi Páwulo eké zí  
Felemúna  
ní  
Ledre gi ro búkú bi  
Felemúna ní**

'Yimikása Páwulo eké ledre ba zí Felemúna ngúru 'yì 'bì Kírésìto bì kí tú'dù éyì e zíne ní. Ngúru 'yì 'bì moko 'bì Felemúna ma'dáa ìrìà Onésìmo ngasáoyó kóo roné gi do bi moko. Nda gi do kací a nées zía ngúngu ledre Kírésìto, zía ndìsìné sáká Páwulo kíngaya simi bì otoní Páwulo simi s̀gìnì ní. Née ní, zí Páwulo éké ledre ba kása Onésìmo ḱe zí Felemúna, ndú'yú Felemúna idí ótoómo ledre zí Onésìmo abú lorù 'bì Róma uku kídí owúkúlù bì ngasá go gi do bi moko ní mongú 'yì ené idí úfu wo 'dá'ba. Páwulo ya Felemúna idí 'dí'bi Onésìmo simi s̀m̀m̀ t́ káa zí 'yì bì 'dì'bi mbigí lúnduné ní.

*Wáraga bi Páwulo eké zí Felemúna ní*

<sup>1</sup> Áko Felemúna lúndu 'bì ené e, máa Páwulo bì otoní máa simi s̀gìnì gi zía bì mándìsì 'dódo ledre 'bì Kírésìto Yésu zí 'yì e ní.

Máéké ledre ba máa źyì Felemúna, azé kí lúnduzé Timatíyo bì nì kpá eze 'yì mokoze ní. <sup>2</sup> Ledre bì ekézé ba ndaá kpá lá dujú źyì ngúcuyì wá, kpá zí Afíya bì nì źize káa zí mbigí lémizé ní, kpá zí Arakípo bì ndìsìzé méngì moko 'bì Ngére Yésu ndro kéye ní.

<sup>3</sup> 'Buzé Lomo kí Kírésito Yésu Ngére ezé idíní lúru bi kacise gi do bi zise ndísísé bilámáse.

*Páwulo i'bí mbófo éyì zí Lomo gi ro Felemúna*

<sup>4</sup> Felemúna, kací kadra za mbá, ìrìyì 'decì gi taramá wá. Kí'dí bi mááyí go íni ini zí 'Buzé Lomo ní, mándìsì fú lá óto yìi kó'dù a, idí ndísì lúru bi kaciyì. <sup>5</sup> Ndaá gbékpìe wá, gi zía, máúwú ledre bilámá ledre ga bi ndísì méngì yéé zí 'yì e ní go mbá. Tú'dù 'yì e ndìsìnì go úku ledreyì zíma kídí, ñgúnḡu ledre Ngére Yésu go cú kí simiyì, zí 'bú 'yì e kpá ídìne doyì kíngaya. <sup>6</sup> Mándìsì íni ini zí Lomo, idí sáká yìi, gi ro zíyì ndísìyì méngì bilámá ledre zí 'yì e nda za kíngaya rómoné mirómo, gi do bi zíye ndísìyé mbófo Kírésito. <sup>7</sup> 'Bú 'yì e bi óto doyì kíngaya née, oto máa go zíma ídìma kí mongú rokinyi. Gi zía óto 'yì ga bi 'bi Kírésito ní go zíye ñgúnḡu ledrea nda za kíngaya.

*Páwulo ñgúnḡu roné gi ro Onésimo*

<sup>8</sup> Gi zí kényì née ní, zíma ñgúnḡu romá zíyì kí roko'bù bi Kírésito i'bí zíma ní, idí méngítátá bilámá ledre née kenée ndéré kíe 'dá'dá kíngaya. <sup>9</sup> Káa zí bi mááyí 'yìmikása 'bi Yésu ní, mááyí kóo úku ledre née zíyì kenée za kí roko'bù bi 'bi moko ní, í'i, utúasá zíma í'bí lorù zíyì kenée wá, gi zía máówo bú, óto 'bú lafúyì e, 'yì ga bi 'bi Kírésito ní go doyì, mááyí lá ndú'yú yìi gi ro zíyì méngì ledre ma'dáa.

<sup>10</sup> Mánḡúnḡu romá zíyì, gi ro Onésimo. Simi bi mááyí simi síḡìñì yáa ní, mándìsì 'dódo ledre gi ro Ngére Yésu zía. Bi ba ní, ñgúnḡu ledre

Yésu go káa do Ngére ené. Gi zí kényi née ní, ni zíma go owú 'bi amá simi moko 'bi Ngére Yésu. <sup>11</sup> Togú miméngi ledre 'bi Onésimo ndaá kóo zíyi bilámáne wá, káa zí bi ɲuɲu nda ledre 'bi Lomo go ní, ídí nda kpá ówo a kídí, ni nda ídí go 'yi méngi yéme ledre zíze kényi gbrenará.

<sup>12</sup> Abú 'búa ni domá kíngaya ndaá kóo miútúásáne zía ndéréoyó roné gi cigíma wá yá, málúru kenée, máyá í'i, utúasá miútúasá zíma kása wo zíyi íri.

<sup>13</sup> Ni kóo ídí bilámáne zí Onésimo ndísiné zíma yáa kí sáká máa do bi kacíyi káa zí bi mááyí aka fú simi sígini gi zí bilámá ledre 'bi Ngére Yésu bi mándísi 'dódo a zí 'yi e ní. <sup>14</sup> Í'i, máíli méngi kényi kenée wá, káa bi ni nda ídí káa zí éyi bi mágága yi migága gi ro méngi bilámá ledre zíma ní ke, 'búo togú ledre bi ɲuɲu go yi ní. <sup>15</sup> Ambí owone, ngiti géyi yá, Lomo yeme kóo ne kenée kídí, Onésimo ídí aka kóo ɲnyi gi cigíyi cúku'dée, simi bi ni ndá'baógu ní, zise ndísisé kéne bilámáne za fí. <sup>16</sup> Tónóne cakaba ndéréne 'dá'dá, ndá lolu lúru Onésimo ma'dáa zíyi fú káa do owúkulu wá, ídí nda ídí zíyi cé káa zí lúnduyi owú 'bi 'buyi ní, gi zía ɲuɲu ledre Ngére Yésu go.

<sup>17</sup> Felemúna, káa zí bi 'dí'bi máa simi sümü káa do bilámá eze 'yi mokoyi ní, mándú'yú yi, ídí mu 'dí'bilúgu Onésimo zíyi simi sümü káa do bilámá eze 'yi mokoyi. <sup>18</sup> Togú Onésimo ma'dáa mengi kóo bisinyi ledre zíyi, togú 'di'bi kóo mbú kési gi zíyi, i'bilugu wá yá, ídí úku ledre a zíma gi ro zíma í'bilúgu a zíyi. <sup>19</sup> Máúku zíyi ma'díi,

togú éyí nì bo Onésimo 'di'bi gí zíyí i'bilugu wá, ídí úku a zíma mááyí í'bilúgu a zíyí. Kpá káa zí bilámá ledre kóo máméngí, zíma 'dódo ledre 'bi Ngére Yésu zíyí ní, éyí bi méngílúgu zíma kací a ní ndaá.

<sup>20</sup> Lúndu 'bi ené e, káa zí bi azé kíyí 'yí lódú kací Kírésito Yésu Ngére ezé ní, ídí mu 'dí'bilúgu Onésimo zíyí, gí ro zíma ídíma kí rokinyi. <sup>21</sup> Abú mándú'yú yíi mindú'yú wá, máówo bú kídí, áyí tí méngí ledre nées zíma kenée.

<sup>22</sup> Ídí óto komoyí kacíma, mááyí yáa kí misómú ledre togú Lomo likpí misi'di zíma, zíye 'dí'biógú máa gí simi sígìni yá, mááyí ógú zíyí íri.

*Mandá gí zí tǔ'dú 'yí e zí Felemúna*

<sup>23</sup> Epáfura ezemá bi azé kéne simi sígìni yáa gí zía bi ndìsì kpá 'dódo ledre 'bi Kírésito Yésu zí 'yí e ní, i'bí mandá zise íri za mbá kíngaya.

<sup>24</sup> Mária e kí Arisitáka e kí Démasi e kí Lúka e bi ndìsìní sáká máa kí moko 'bi Kírésito yáa ní, i'bíni kpá mandá zise íri za mbá.

<sup>25</sup> Kírésito Yésu Ngére ezé ídí í'bí úndru zise íri za mbá, gí ro zise ndìsìsé bilámáne.

**MIKÁNDA LORU 'BI LOMO KÍ DOSÍ ÉYÍ E**  
**Baka: MIKÁNDA LORU 'BI LOMO KÍ DOSÍ ÉYÍ E New**  
**Testament+**

copyright © 2016 Wycliffe Bible Translators, Inc.

Language: Baka

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 21 Feb 2024 from source  
files dated 29 Jan 2022

9ebc1b62-650d-5302-9391-27a31d140102